



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 20/10) i članova 40 i 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), Skupština Brčko distrikta BiH na 40. redovnoj sjednici održanoj 18. septembra 2014. godine, donosi

**ODLUKU
O POSTUPKU IZRADE I DAVANJA AUTENTIČNIH TUMAČENJA PROPISA
KOJE DONOSI SKUPŠTINA BRČKO DISTRIKTA BiH**

Član 1

Autentičnim tumačenjem utvrđuje se istinitost, vjerodostojnost, izvornost i pravilan smisao nedovoljno jasne odredbe zakona ili drugog općeg akta Skupštine Brčko distrikta BiH.

Član 2

Zahtjev za autentično tumačenje propisa može podnijeti svako fizičko ili pravno lice kao i organ uprave ili institucija koja provodi propis za koji traži autentično tumačenje.

Član 3

Zakonodavna komisija Skupštine Brčko distrikta BiH će, nakon što pribavi mišljenja predlagača propisa i Vlade Brčko distrikta BiH, o svakom zahtjevu za autentičnim tumačenjem propisa podnijeti izvještaj Skupštini Brčko distrikta BiH o opravdanosti davanja autentičnog tumačenja koja povodom tog izvještaja donosi odluku.

Ako su ispunjeni uslovi članova 1 i 2 ove odluke uz podneseni izvještaj Zakonodavna komisija Skupštine Brčko distrikta BiH će pripremiti prijedlog autentičnog tumačenja traženog propisa.

Član 4

Autentično tumačenje postaje sastavni dio propisa koji je donijela Skupština Brčko distrikta BiH i primjenjuje se i važi od dana primjene propisa na koji se odnosi.

Član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-360/14

Brčko, 18. 9. 2014. godine

**PREDSJEDNIK
SKUPŠTINE BRČKO DISTRIKTA BiH**

Đorđa Kojić

Dostavljeno:

1. Predsjedniku
2. Dopredsjedniku
3. Gradonačelniku
4. Pravosudnoj komisiji Brčko distrikta BiH
5. Zakonodavnom uredu Vlade
6. Sektoru za koordinaciju politika i opće poslove - Odsjeku za opće poslove
7. Arhivi